



PROGRAM

utroška sredstava

„Program uređenja poljoprivrednog zemljišta za 2023. godinu“ utvrđen u budžetu Ministarstva za privredu Bosansko-podrinjskog kantona Goražde na ekonomskom kodu 614 400 HAP 005 – Finansiranje projekata iz sredstava pretvorbe poljoprivrednog u nepoljoprivredno zemljište – Javnim preduzećima.

Goražde, juni 2023. godine

Na osnovu člana 46. Zakona o izvršenju Budžeta Bosansko-podrinjskog kantona Goražde za 2023. godinu („Službene novine Bosansko-podrinjskog kantona Goražde“, broj: 1/23), člana 54. Zakona o poljoprivrednom zemljištu („Službene novine Federacije BiH“, broj: 52/09) na prijedlog Ministarstva za privredu, Vlada Bosansko-podrinjskog kantona Goražde daje saglasnost na:

P R O G R A M

utroška sredstava „Program uređenja poljoprivrednog zemljišta za 2023. godinu“ utvrđen u budžetu Ministarstva za privredu Bosansko-podrinjskog kantona Goražde na ekonomskom kodu 614 400 HAP 005- Finansiranje projekata iz sredstava pretvorbe poljoprivrednog u nepoljoprivredno zemljište – Javnim preduzećima.

1. NAZIV PROGRAMA

Naziv Programa je „Program uređenja poljoprivrednog zemljišta za 2023. godinu“ utvrđen u budžetu Ministarstva za privredu Bosansko-podrinjskog kantona Goražde na ekonomskom kodu 614 400 HAP 005 - Finansiranje projekata iz sredstava pretvorbe poljoprivrednog u nepoljoprivredno zemljište – Javnim preduzećima.

PODACI O PROGRAMU

Period realizacije Programa: 01.01.2023. do 31.12.2023. godine

Budžetska pozicija: 17. Ministarstvo za privredu

Ekonomski kod: 614 400

Ukupna vrijednost Programa: 44.053,00 KM

Odgovorna osoba: Zijad Briga

Pozicija odgovorne osobe: Ministar

Kontakt osoba za Program: Rasim Sijerčić

Kontakt telefon: 038-227-857

DATUM USVAJANJA PROGRAMA: Vlada Bosansko-podrinjskog kantona Goražde donjela je odluku o davanju saglasnosti na Program broj:03-11-1342/23 od 06.07.2023. godine. („Službene novine Bosansko-podrinjskog kantona Goražde“, broj: _____).

2. SVRHA I OPIS PROGRAMA

Svrha programa

Namjena Programa je pružanje podrške fizičkim i pravnim licima u cilju uređenja poljoprivrednog zemljišta i istog privođenju namjeni. U skladu sa članom 54. Zakona o poljoprivrednom zemljištu sredstva ostvarena od promjene namjene poljoprivrednog zemljišta u nepoljoprivredno („Službene novine Federacije BiH“ broj: 52/09) mogu se koristiti za:

- izradu osnova, programa i projekata zaštite, korištenja i uređenja poljoprivrednog zemljišta;
- provođenje mjera zaštite, korištenja i uređenja poljoprivrednog zemljišta i za inundaciona područja;
- uspostavu informacionog sistema za zemljište;
- zemljišni monitoring;
- izradu karte upotrebne vrijednosti zemljišta;
- izrada projekata višenamjenskog vrjednovanja;
- realizacija poslova utvrđenih Strategijom i Programom gospodarenja;
- dekontaminaciju zemljišta i podizanje zaštitnih pojaseva u neposrednoj blizini putnih komunikacija.

Sredstva prikupljena od naknada za promjenu namjene poljoprivrednog zemljišta korišćiće se isključivo za uređenje poljoprivrednog zemljišta namjenjenog primarno poljoprivrednoj proizvodnji. Za korištenje ovih sredstava ne mogu se kandidirati korisnici čije su poljoprivredne parcele u zemljišnim knjigama vode kao šumsko zemljište.

Budžetom Bosansko-podrinjskog kantona Goražde za 2023. godinu („Službene novine Bosansko-podrinjskog kantona Goražde“ broj:1/23), ekonomski kod 614 400 HAP 005 - Finansiranje projekata iz sredstava pretvorbe poljoprivrednog u nepoljoprivredno zemljište - javnim preduzećima planiran je utrošak sredstava za uređenje poljoprivrednog zemljišta u iznosu od 44.053,00 KM.

Opis programa

Program uređenja poljoprivrednog zemljišta za 2023. godinu ima za cilj povećanje obradivih poljoprivrednih površina, smanjenje površina neobrađenog poljoprivrednog zemljišta, uređenje zapuštenog poljoprivrednog zemljišta koje je zakorovljeno i obrasla samoniklim drvenastim rastinjem, poboljšanje vodno-vazdušnog režima kao i fizičkih osobina zemljišta, hemijskih i bioloških osobina zemljišta, sprečavanje erozije na poljoprivrednom zemljištu, uvećanje proizvodne sposobnosti zemljišta, povećanje obima i kvaliteta poljoprivredne proizvodnje, smanjenje troškova pokretanja poljoprivredne proizvodnje i uvećanje ekonomskih rezultata za poljoprivredne proizvođače.

Program uređenja poljoprivrednog zemljišta za 2023. godinu, na ekonomskom kodu 614 400 HAP 005 – Finansiranje projekata utroška sredstava pretvorbe poljoprivrednog u nepoljoprivredno zemljište - javnim preduzećima definiše bitne elemente za davanje saglasnosti na Program od strane Vlade Bosansko-podrinjskog kantona Goražde, kao što su opšti i posebni ciljevi Programa, potrebna sredstva za realizaciju Programa, kriteriji za raspodjelu sredstava (opći i posebni uslovi), korisnici sredstava, potreban broj radnika za provođenje Programa i monitoring, procjena rezultata te procjenu nepredviđenih rashoda i izdataka.

Realizacijom ovog Programa unaprijedit će se poslovni ambijent za poljoprivrednu proizvodnju.

3. OPĆI I POSEBNI CILJEVI PROGRAMA

Opći/Osnovni cilj Programa

Opći/Osnovni cilj Programa je uređenje poljoprivrednog zemljišta na području Bosansko-podrinjskog Kantona Goražde iz sredstava prikupljenih od naknada za promjenu namjene poljoprivrednog zemljišta, u skladu sa Zakonom o poljoprivrednom zemljištu („Službene novine Federacije BiH“ broj: 52/09) u cilju očuvanja poljoprivrednog zemljišta.

Posebi/specifični cilj Programa

Poseban cilj Programa je uređenje poljoprivrednog zemljišta koje se ogleda kroz sledeće mjere:

- krčenje poljoprivrednog zemljišta,
- čišćenje poljoprivrednog zemljišta,
- meliorativna kalcizacija,
- meliorativna fertilizacija,
- meliorativna humizacija,
- produbljavanje poljoprivrednog zemljišta- oranica.

Poseban cilj ovog Programa ogledaće se u provođenju gore pomenutih mjera:

- **Krčenje** – odnosi se na uklanjanje pojedinačnih stabala, niskog rastinja i žbunja sa zapuštenih parcela. Ukoliko je na parceli formirana visoka šuma ista neće biti prihvaćena za uređivanje.
- **Čišćenje** – odnosi se na uklanjanje svih materija i otpada od drveta, kamena, plastike, korova, nemetala te tečne i druge ostatke, izuzev toksičnog otpada, ako je isti odložen na poljoprivrednoj površini.
- **Meliorativna kalcizacija– promjena pH vrijednosti** zemljišta unošenjem kalcijum karbonata (CaCO₃) u zemljištu.
- **Meliorativna fertilizacija** – unos meliorativnih količina đubriva – mineralna i organska đubriva.
- **Meliorativna humizacija** – unos meliorativnih količina organskog đubriva.
- **Produblјavanje poljoprivrednog zemljišta oranica- produblјavanje plodnog sloja zemljišta oranјem ili rigolanјem**, ali bez iznošenja neplodnog sloja zemljišta na površinu.

Korisnici sredstava po ovom Programu moraju realizovati najmanje jednu mjeru iz Programa uređenje poljoprivrednog zemljišta za 2023. godinu, a prioretetna mjera je **produblјavanje poljoprivrednog zemljišta oranica - produblјavanje plodnog sloja zemljišta oranјem ili rigolanјem, ali bez iznošenja neplodnog sloja zemljišta na površinu, koje se žele privesti namjeni.**

4. POTREBNA SREDSTVA ZA PROVOĐENJE PROGRAMA

Visina sredstava za provođenje programa

Potrebna sredstva za provođenje Programa definisana su Budžetom Bosansko-podrinjskog kantona Goražde („Službene novine Bosansko-podrinjskog kantona Goražde“ broj:1/23), na ekonomskom kodu 614 400 HAP 005 - Finansiranje projekata iz sredstava pretvorbe poljoprivrednog u nepoljoprivredno zemljište –Javnim preduzećima i Odlukom Vlade odobravanju unosa razgraničenih namjenskih prihoda koji nisu utrošeni u predhodnoj godini u Budžetu Ministarstva za privredu za 2023. godinu u iznosu od 44.053,00 KM.

Maksimalni budžet po mjerama

Maksimalan iznos po pojedinim mjerama iznosi:

- krčenje poljoprivrednog zemljišta po jednom hektaru	1.200,00 KM,
- čišćenje poljoprivrednog zemljišta po jednom hektaru	1.200,00 KM,
- meliorativna kalcifikacija po jednom hektaru	1.200,00 KM,
- meliorativna fertilizacija po jednom hektaru	1.200,00 KM,
- meliorativna humifikacija po jednom hektaru	1.200,00 KM,
- produbljavanje poljoprivrednog zemljišta-oranica po jednom hektaru	1.200,00 KM.

Korisnici sredstava po ovom Programu su fizička i pravna lica sa područja Bosansko-podrinjskog kantona Goražde koji u okviru Programa uređenja poljoprivrednog zemljišta realizuju minimalno jednu mjeru, a maksimalno tri mjere, te istu privedu namjeni.

5. KRITERIJI ZA RASPODJELU SREDSTAVA

Način raspodjele sredstava

Raspodjela sredstava po ovom Programu vršit će se po realizaciji mjera koje doprinose ostvarivanju općeg i posebnog cilja Programa.

Konačnu odluku o odobravanju novčanih sredstava na prijedlog Ministarstva za privredu donosi Vlada Bosansko-podrinjskog Kantona Goražde.

Kriteriji za raspodjelu sredstava

Raspodjela sredstava za mjere sadržane u Programu izvršit će se srazmjerno doprinosu u dostizanju općeg i posebnog cilja Programa, očekivanih rezultata Programa i drugih elemenata za raspodjelu u skladu sa odredbama Programa.

Prilikom odlučivanja o raspodjeli sredstava primjenjivat će se kriteriji za svaku pojedinačnu mjeru.

Kriteriji po osnovu kojeg će se vršiti raspodjela sredstava Programa su:

- a. Provedu najmanje jednu mjeru (**obavezno produbljavanje poljoprivrednog zemljišta oranica- produbljavanje plodnog sloja zemljišta oranjem ili rigolanje, ali bez iznošenja neplodnog sloja zemljišta na površinu na parceli koja nije privedena namjeni**) uređenja zemljišta, a maksimalno tri,
- b. Uređenje zemljišta provedu na minimalnoj površini od 0,2 ha i maksimalnoj površini 1ha.
- c. Na uređenoj parceli zasnuju primarnu poljoprivrednu proizvodnju,
- d. Da pravna i fizička lica uredno izmiruju poreske obaveze,

- e. Da su vlasnici poljoprivrednog zemljišta koje se nalazi na području Bosansko-podrinjskog kantona Goražde.

Kandidovanje prijedloga projekata za sredstvima-,, uređenje poljoprivrednog zemljišta“

Projekti za sredstvima dostavljaju se nakon objavljivanja Javnog poziva, koji se raspisuje u skladu sa odredbama Programa.

Projekti za sredstvima dostavljaju se za sledeće mjere: krčenje poljoprivrednog zemljišta, čišćenje poljoprivrednog zemljišta, meliorativna kalcizacija, meliorativna fertilizacija, meliorativna humizacija, produbljavanje oranica.

Minimalni i maksimalni iznos sredstava koji može biti odobren od Ministarstva za privredu kreće se u rasponu od 240,00 KM po jednoj provedenoj mjeri na 0,2 ha do 3.600,00 KM za tri provedene mjere na 1 ha.

Aplikantima kojima se dodjele novčana sredstva obavezni su izvršiti jesenju sjetvu (sahnju) poljoprivrednih kultura na pripremljenom zemljištu.

Opći uslovi i posebni uslovi

Opći uslovi za učestvovanje u Programu su:

- da su upisani u Registar poljoprivrednih gazdinstava, odnosno Registar klijenata u skladu sa Zakonom o poljoprivredi,
- da imaju poljoprivredno zemljište na području Bosansko-podrinjskog kantona Goražde,
- da imaju registraciju (pravna lica) na prostoru Bosansko-podrinjskog kantona Goražde.

Posebni uslovi za učestvovanje u Programu:

- da su namjenski utrošili sredstva odobrena od strane Vlade Bosansko-podrinjskog kantona Goražde u periodu od protekle tri godine, ukoliko im je takva pomoć dodjeljena (po bilo kom osnovu).
- da su ispunili ugovorene obaveze po odobrenim grantovima Vlade Bosansko-podrinjskog kantona Goražde, ukoliko su ih dobili u zadnje tri budžetske godine,
- da nemaju neizmirenih obaveza za poreze i doprinse, po bilo kojem osnovu, osim obaveza koje su obuhvaćene ugovorom o reprogramiranju obaveza (izuzimajući indirektnu poreze).
- **korisnici koji imaju duga po osnovu javnih prihoda po bilo kojem osnovu ne mogu aplicirati po ovom Programu.**

Kandidovanje projekata za sredstvima

Projekti za dodjelu novčanih sredstava dostavljaju se nakon davanja saglasnosti na Program od strane Vlade Bosansko-podrinjskog kantona Goražde i objavljenog Javnog poziva, koji se raspisuje u skladu sa odredbama Programa.

Minimalno jedan Javni poziv će se raspisati po Programu.

Podnošenje projekata za sredstvima vrši se isključivo na propisanom obrascu od strane Ministarstva za privredu Bosansko-podrinjskog kantona Goražde.

Svi projekti za sredstvima se procjenjuju u skladu sa kriterijuma propisanim ovim Programom.

Krajnji rok za objavljivanje Javnog poziva je **30. novembar 2023. godine u 16:00 sati**.

Klijenti su dužni dostaviti slijedeću dokumentaciju :

- a) Prijedlog projekta za uređenje poljoprivrednog zemljišta,
- b) Kopiju katastarskog plana za predmetnu parcelu,
- c) Dokaz o otvorenom žiro računu,
- d) Potvrda o upisu registar poljoprivrednih klijenata i gazdinstava,
- e) Uvjerenje o izmirenim poreskim obavezama (izuzimajući indirektne poreze),
- f) Izjava da su namjenski utrošili sredstva u protekle tri godine dodjeljena od strane Vlade Bosansko-podrinjskog kantona Goražde,
- g) Pravna lica (DOO;SPP;ZZ, itd) dužni su dostaviti Rješenje o registraciji djelatnosti, Uvjerenje o poreznoj registraciji, Obavještenje o razvrstavanju obrta.

Administrativna provjera dokumentacije – projekata

Za provođenje procesa administrativne provjere dokumentacije projekata, utvrđivanje opravdanosti zahtjeva za dodjelom sredstava u cilju uređenja poljoprivrednog zemljišta i ocjenjivanje provedenih mjera uređenja poljoprivrednog zemljišta provodi komisija formirana od strane Ministarstva za privredu.

Administrativna provjera se provodi u cilju utvrđivanja blagovremenosti, potpunosti i urednosti dostavljenog projekta.

Komisija provjerava da li aplikacija zadovoljila slijedeće uslove:

- da je aplikacija dostavljena u roku i na način predviđen programom i javnim pozivom,
- da su dostavljeni svi prilozi na način predviđen Programom i javnim pozivom,

- da je aplikacija potpuna i ispravno elektronski popunjena u skladu sa propisanom formom i potpisana.

Ukoliko su ovi uslovi ispunjenji, komisija će izvršiti prvi uviđaj na terenu i utvrditi opravdanost potrebe za provođenjem mjera uređenja poljoprivrednih parcela aplikanta. Ukoliko se utvrdi opravdanost za provođenjem mjera uređenja zemljišta Komisija predlaže mjere koji aplikant treba provesti na predmetnim parcelama u određenom roku, a ne dužem od 60 dana od dana izvršenog prvog uviđaja.

Aplikant je dužan nakon provedenih mjera, obavjestiti komisiju, a ukoliko to ne učini ista će izaći na teren nakon isteka roka datog na prvom uviđaju. Provedba mjera uređenja poljoprivrednog zemljišta ocjenivat će se prilikom drugog uviđaja Komsije, i to tako da provođenje jedne mjere na 1 dunumu iznosi 120 KM, odnosno tri mjere na 1 dunumu iznose 360 KM. Na ocjenjivanje utiče i privođenje poljoprivrednog zemljišta namjeni.

Procedure odobravanja projekata

Ministarstvo predlaže Vladi Bosansko-podrinjskog kantona Goražde da donese Odluku o odobravanju odobrenih projekata koji će se finansirati sredstvima iz budžeta Bosansko-podrinjskog kantona – ekonomski kod 614 400 HAP 005- Finansiranje projekata iz sredstava pretvorbe poljoprivrednog u nepoljoprivredno zemljište –Javnim preduzećima.

6. KORISNICI SREDSTAVA

Korisnici sredstava su fizička i pravna lica sa područja Bosansko podrinjskog kantona Goražde koji imaju za cilj uređenje poljoprivrednog zemljišta i razvoj poljoprivredne proizvodnje na području Bosansko-podrinjskog kantona Goražde, te koji ispunjavaju opšte i posebne uslove Programa za 2023. godinu.

7. POTREBAN BROJ RADNIKA ZA PROVOĐENJE PROGRAMA

Za provođenje Programa su nadležni zaposleni u Ministarstvu za privredu i Program ne zahtjeva angažovanje dodatnih radnika na provođenju Programa, izuzev za korištenje vanjskih usluga za potrebe izrade baze podataka registra korisnika.

8. PROCJENA REZULTATA

Pregled očekivanih rezultata

Realizacijom Programa doći će do:

- povećanje obradivih poljoprivrednih površina,
- smanjenje površina neobrađenog poljoprivrednog zemljišta,
- uređenje zapuštenog poljoprivrednog zemljišta koje je zakorovljeno i obrasla samoniklim drvenastim rastiljem,
- poboljšanje vodno-vazdušnog režima kao i fizičkih, hemijskih i bioloških osobina zemljišta, sprečavanje erozije na poljoprivrednom zemljištu, uvećanje proizvodne sposobnosti zemljišta, povećanje obima i kvaliteta poljoprivredne proizvodnje, smanjenje troškova pokretanja poljoprivredne proizvodnje i uvećanje ekonomskih rezultata za poljoprivredne proizvođače.

9. PROCJENA NEPREDVIĐENIH RASHODA I RIZIKA

Nepredviđeni rashodi

Nepredviđeni rashodi mogu se pojaviti u slučaju većeg broja zahtjeva za podsticajnim mjerama iz Programa.

Rizici

Kako bi se smanjili rizici u procesu implementacije Programa uveden je monitoring aktivnosti koje su podržane u okviru ovog Programa. Komisija je obavezna vršiti terenske posjete u cilju utvrđivanja činjeničnog stanja na terenu, prije i nakon realizacije Projekta.

Aplikanti su dužni planirati odgovarajuće mjere koje će poduzeti u slučaju ostvarivanja rizika koji mogu utjecati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog Programa.

Broj: 04-20-1426-2/23

Goražde, 07.07.2023.god.

MINISTAR

Zijad Briga